

20

A 11  
264  
2/0


B  
37  
23

# FACULTAS CONSER- VATORES IUDICES ASSUMENDI in quibuscumque causis.

Anno. M. D. LXXIII.

**G**REGORIVS Episcopus Servus Servorum Dei, Ad perpetuam rei memoriam. A Equum reputamus, & rationi consonum, vt ea, quae de Romani Pontificis gratia processerunt, licet eius superueniente obitu literae Apostolicae desuper confectae non fuerint iuum fortiantur effectum. Dudum siquidem felicitis recor. Pio PP. V. praedecessori nostro pro parte dilectorum filiorum Praepositi generalis, & Religiosorum Societatis Iesu exposito, quod cum dicta societas benedicente Domino. longe, lateque esset propagata, ac ad Dei laudem, & honorem militantisque Ecclesiae profectum indies augetur, & propter diuerfa bona temporalia, quae Collegia scholarium sub eorum cura instituta possidebant conseruanda, & recuperanda lites, aliaque forensia frequenter subire necessario cogeretur, exindeque fieret, vt eius personae, quae animarum saluti implicite litium anfractus, qui ab eorum institutis valde disonabant, curare cupiebant, ab earum ministerio, non sine animi sui dolore, cum animarum huiusmodi dispendio distraherentur, & eidem praedecessori, pro parte eorundem Praepositi generalis, & religiosorum assentientium, eorum bona a quorumcunque locorum ordinariorum iurisdictione libera, & excepta, ac sub Romani Pontificis, & sedis Apostolicae protectione alias recepta fuisset, humiliter supplicato, vt eorum quieti more Pij Patris, ac alias in praemissis opportune consulere, de benignitate Apostolica dignaretur, idem praedecessor qui ad gratos Deo, & vniuersae Reipublicae Christianae vriles, & necessarios fructus, quos Societatis praedictae personae in vinea Domini semper proferebant, debitum respectum habebat, facere nullo modo poterat, quin ipsis ea concederet per quae ipsi, eorumque res, & bona a noxijs, iustitiae ministerio praeseruantur: eosdem Praepositem generalem, & Religiosos, ac eorum singulos a quibuscumque excommunicationis, suspensionis, & interdicti, aliisque Ecclesiasticis senten-

senten-



citatorum, & inhibitorum notitiam peruenire valerent, faciendi necnon eisdem occupatoribus, detentoribus, præsumptoribus, molestarioribus, iniuriatoribus, contradictoribus, & rebellibus, etiã sub cõsursis, & pœnis Ecclesiasticis, ac etiam pecuniarijs eorum arbitrio moderandis, inhibendi, ac quibusuis inhibitionibus, eis pro tempore. etiam prætextu quarumcunque literarum Conseruatoriarum, seu priuilegiorum Apostolicorum, quibuslibet concessorum, & concedendorum, pro tempore facti, non obstantibus, eorum iurisdictionem libere exercendi, loca ad quæ eos declinare, & in quibus scienter stare permisi forent, Ecclesiastico interdicto subijciendi, plenam, & liberam facultatem concessit. Ac monitiones, requisitiones, inhibitiones, & citationes sic factas, perinde ipsos monitos, requisitos, inhibitos, & citatos arctarent, ac si eis personaliter factæ, insinuatæ, & intimatæ forent. Ac tunc desuper conficiendis literis, & in eis contentis dispositionibus per quascunque derogationes, in quibusuis alijs literis Apostolicis gratiam, vel iustitiam, & mixtim continentibus per eundem prædecessorem, & sedem Apostolicam etiam cum derogatoriis derogatorijs alijsque efficacioribus, & insolitis clausulis, & per quas earundem literarum tunc desuper conficiendarum tenor, ac si de verbo ad verbum in eis insertus foret, pro expressio haberetur quibuscunque personis, seu in eorum fauorem, etiam Motu proprio, & excerta scientia, ac de Apostolica potestatis plenitudine concessas, & factas ac faciendas, & concedendas nullatenus derogatum censeretur: aut derogari posset, nisi tenor earundem tunc desuper conficiendarum literarum, de verbo ad verbum nihil penitus omisso foret in illis insertus, & derogatio pro tempore facta huiusmodi per trinas distinctas literas eundem tenorem continentes, tribus similiter distinctis vicibus, eidem Societati intimata, & insinuata foret, & quod aliter earundem literarum tunc desuper conficiendarum pro tempore factæ derogationes nemini suffragarentur. Quodque quilibet iudicum, & Conseruatorum præfatorum valeret prosequi articulum, etiam per alium inchoatum, quamuis idem inchoans nullo foret Canonico impedimento præpeditus: quodque cuilibet Conseruatorum, & iudicum eorundem, ab eadem die octauo Kal. Junij esset in præmissis omnibus, ac eorum singulis cœptis, & non cœptis tunc præsentibus, & futuris perpetua potestas, & iurisdictione attributa, vt eo vigore, eaque firmitate possent in præmissis omnibus cœptis, & non cœptis, tunc præsentibus, & futuris, & pro prædictis procedere, ac si prædicta omnia, & singula coram eis cœpta fuissent, & coram ac cuiuslibet ipsorum iurisdictione de præmissis omnibus, & singulis per citationem, vel modum alium perpetuata legitime extitisset, sicque per quoscunque Iudices, & comitarios, & causarum Palatii Apostolici Auditores, ac S. Romanæ Ecclesiæ Cardinales, subblata eis, & eorum cuilibet quauis aliter iudicandi, & interpretandi facultate, & auctoritate, iudicari, & definiti debere: ac ex tunc si secus super his, à quoquam quauis auctoritate, scienter, vel ignoranter attentari contringeret, irritum, & inane decreuit. Non obstantibus præ mem. Bonifacij PP. VIII. prædecessoris nostri, qua cauebatur, ne quis extra suam Ciuitatem, vel diocesim nisi in certis exceptis casibus, & in illis vltra vnã dictam à fine suæ diocesis ad iudicium euocaretur: seu ne Iudices à sede prædicta deputati extra Ciuitatem, vel diocesim in quibus deputati forent, contra quoscunque procedere præsumerent: & de duabus dietis in Concilio generali edita, dummodo non vltra tres dietas aliquis, vigore earundem literarum, tunc desuper conficiendarum extraheretur, & quibusuis alijs Apostolicis, ac in Prouincialibus, & Synodalibus Concilij

cillijs editis generalibus, vel specialibus constitutionibus, & ordinationibus, ac quibusuis iuramento, confirmatione Apostolica, vel quauis firmitate alia roboratis statutis, & consuetudinibus priuilegijs, quoque indultis, & literis Apostolicis, quibusuis Regibus, Ducibus, Comitibus, & ceterisque cuiuscunque dignitatis, qualitatis, & praeuincientia, ac ordinis etiam mendicantium, & conditionis existentibus personis, in genere, vel in specie, ac cum quibusuis etiam derogatoriariam derogatorijs, alijsque efficacioribus, & insolitis clausulis, irritantibusque, & alijs decretis, quomodolibet, etiam iteratis vicibus concessis, approbatis, & innouatis. Quibus omnibus, idem Pius praedecessor, etiam si pro illorum sufficienti derogatione, de illis, eorumque totis tenoribus specialis, specifica, expressa, & indiuidua, ac de verbo ad verbum, non autem per clausulas generales idem importantes, mentio, seu quauis alia expressio habenda, aut aliqua alia exquisita forma ad id seruanda foret: tenores huiusmodi, ac si de verbo ad verbum, nihil penitus omisso, & forma in illis tradita obseruata, inserti forent pro sufficienter expressis habens, illis alias in suo robore per mansuris; ea vice duntaxat specialiter, & expresse derogauit. Ceterisque contrarijs quibuscunque. Voluit insuper idem Pius praedecessor, quod literarum tunc desuper conficiendarum transumptis, manu alicuius Notarij publici subscriptis, ac sigillo alicuius personae, in dignitate Ecclesiastica constitutae munitis, eadem prorsus fides adhiberetur, quae ipsis originalibus literis adhiberetur, si forent exhibitae, vel ostensae. Ne autem de absolutione, indulto, & alijs praemissis, pro eo quod super illis, ipsius Pij praedecessoris, eius superueniente obitu, literae confectae non fuerunt, valeat quomodolibet hesitari, ipsaque Societas illorum frustraretur effectu. Volumus, & similiter Apostolica auctoritate decernimus, quod indultum, & alia praemissa perinde a dicta die octauo Kal. Iunij, suum forciantur effectum, ac si super illis ipsius Pij praedecessoris literae confectae fuissent, prout superius enarratur. Quodque praesentes literae ad probandum plene absolutionem, indultum, & alia praemissa, ubique sufficiant, nec ad id probationis alterius adminiculum requiratur. Nulli ergo omnino hominum liceat, hanc paginam nostrae voluntatis, & decreti infringere, vel ei ausu temerario contraire si quis autem hoc attentare praesumpserit, indignationem omnipotentis Dei, & beatorum Petri, & Pauli Apostolorum eius, se nouerit incursum. Datum Romae apud S. Petrum, Anno Incarnationis Dominicae Millesimo Quingentesimo Septuagesimo secundo: octauo, Kal. Iunij, Pontificatus nostri, Anno primo.

sententijs, censuris, & pœnis à iure, vel ab homine, quavis occasione, vel causa latis, si quibus, quomodolibet innodati existerent, ad effectum infrascriptorum duntaxat consequendum absolvens, & absolutos fore censens, huiusmodi, supplicationibus inclinatus: sub dat. videlicet. 8. Kal. Iunij. Pontificatus sui anno tertio, eidem Societati, singulisque illius personis, ac eorum familiaribus clericali caractere tamen insignitis, vt in quibuscunque causis tam ciuilibus, quam criminalibus ac mixtis, etiam in eis, in quibus actores, vel conuenti rei forent, ipsis contra quascunque communitates, & collegia huiusmodi, omnes & singulos Archiepiscopos, & Episcopos, ac Abbates, necnon alias personas in dignitate Ecclesiastica constitutas, ac Metropolitanarum, & aliarum Cathedralium Ecclesiarum Canonicos, ac eorundem Archiepiscoporum, & Episcoporum Vicarios in spiritualibus, & officiales generales vbilibet constitutos, in suos possent assumere Conseruatores, & iudices ordinarios indulsit: ipsis vero sic electis, vel duobus, aut vni eorum, vt perse vel alium, seu alios etiam si sint extra loca, in quibus conseruatores, & iudices deputati forent, eidem Societati efficacis defensionis præsidio assistentes, non permitterent Societatem, Collegiaque huiusmodi super terris, locis, domibus, possessionibus, & iuribus, necnon fructibus, censibus, redditibus, & prouentibus, ac quibuscunque alijs bonis mobilibus, & immobilibus, spiritualibus, & temporalibus, necnon priuilegijs & indultis eius, & dictæ Societati, tam Apostolica quam ordinaria, & alias rite Regia auctoritatibus concessis, & alijs rebus ad dictam Societatem communiter, vel diuisim spectantibus, à quibuscunque personis tam secularibus, quam Ecclesiasticis, ac quacunque auctoritate, & superioritate fungentibus, quo quomodo indebite molestari, vel eis grauamina, damna, aut iniurias irrogari: facerentque, cum ab eisdem Societate, aut personis vel procuratoribus suis, seu aliquo ex eis, forent requisiti super restitutione locorum, terrarum, domorum, possessionum, iurium, & bonorum mobilium, & immobilium, reddituum quoque, & prouentuum, ac aliorum quorumque bonorum, necnon priuilegiorum, & indultorum: tunc, & pro tempore concessorum obseruatione, necnon de quibuslibet molestijs, iniurijs dānis tunc presentibus, & futuris in illis videlicet, quæ iudicalem requirerent indagationem summarie simpliciter, & de plano sine strepitu, & figura iudicij: in alijs vero, prout eorum qualitas exegisset, iustitiæ complementum: occupatores, seu detentores, præsumptores, & iniuriatores huiusmodi, necnon cōtradictores quoscunque, & rebelles, etiam si alias quam vt præfertur qualificati existerent, quando curque, & quociescunque expedisset, auctoritate Apostolica per sententias, censuras, & pœnas Ecclesiasticas aliaque opportuna iuris & facti remedia. Appellatione postposita compescendo: legitimisque, super his habendis, seruatis processibus eos quos sententias, censuras, & pœnas per eosdem Conseruatores, seu iudices, pro tempore latas incurrisse, eis constitisset: eas incurrisse declararent & quoties opus fuisset, etiam iteratis vicibus aggrauarēt necnon auxilium brachij secularis inuocarent, commisit, & mandauit Ac insuper si per summariam informationem per eos super his habenda ipsis constitisset quod ad loca, in quibus occupatores, præsumptores, molestatores, & iniuriatores huiusmodi, ac alios, quos literæ tunc desuper consciendæ concernerent pro tempore morari contrigeret pro monitionibus, & inhibitionibus ipsis, ac citationibus eis faciendis, tutus non pateret accessus, iudicibus, & conseruatoribus huiusmodi monitiones & citationes præfatas, ac inhibitiones quaslibet per edicta publica locis publicis assignenda, de quibus esset verisimilis coniectura, quod ad ipsorum monitorum, citatorum,